



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e – mail: info@voda.ba

Broj: **UP-I/21-1-40-136-12/22**

Datum: **28.04.2022. godine**

„Agencija za vodno područje rijeke Save“ Sarajevo, rješavajući po zahtjevu Investitora „Jata Group“ d.o.o. Srebrenik za izdavanje Rješenja o prethodnoj vodnoj saglasnosti za provođenje detaljnih geoloških istraživanja i ispitivanja na lokalitetima Drenovac i Kamen, Grad Srebrenik a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine krečnjaka, na osnovu člana 139. stav (1) tačka 10. Zakona o vodama („Službene novine Federacije BiH“, br. 70/06 i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99) donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost Investitoru „Jata Group“ d.o.o. Srebrenik za provođenje detaljnih geoloških istraživanja i ispitivanja na lokalitetima Drenovac i Kamen, Grad Srebrenik a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine krečnjaka. Ovaj vodni akt se ne odnosi na aktivnosti eksploatacije mineralne sirovine na predmetnim lokalitetima.
2. Ova prethodna vodna saglasnost daje se za aktivnost provođenja detaljnih geoloških istražnih radova i ispitivanja na lokalitetima Drenovac i Kamen, Grad Srebrenik koja se ne smatraju građenjem, ali mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti za istražne radove na predmetnom lokalitetu.
3. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
4. Prethodna vodna saglasnost se daje pod slijedećim uslovima:
 - 4.1. Realizaciju projektovanih aktivnosti na terenu vršiti prema projektnoj dokumentaciji: Studija za izdavanje prethodne vodne saglasnosti detaljnih geoloških istražnih radova i ispitivanje kamena krečnjaka za proširenje eksploatacionog polja kamenoloma na lokalitetu Orlova Klisura-Tinja-Potpeć, urađena od strane TQM d.o.o. Lukavac, broj:1581/22 (10-46/22), april 2022. godine.
 - 4.2. Izvođač radova je u obavezi da projektovana istraživanja vrši prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.
 - 4.3. Prije započinjanja radova nosilac prava iz ove dozvole dužan je riješiti imovinsko pravne odnose sa vlasnikom zemljišta na lokalitetima na kome će se vršiti istraživanja kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.
 - 4.4. Prije započinjanja radova nosilac prava iz ove saglasnosti dužan je ishodovati saglasnost/dozvolu za pravo korištenja predmetnih parcela u toku provođenja istražnih radova od organa u čijoj je nadležnosti upravljanje istim.
 - 4.5. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.

- 4.6. Ukoliko se na prostoru predmetnog istražnog polja planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.
- 4.7. Na prostoru istražnih polja nije dozvoljeno servisiranje mehanizacije i vozila.
- 4.8. Na istražnom polju je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).
- 4.9. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.
- 4.10. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.
- 4.11. Nakon realizacije projektovanih aktivnosti na terenu investor je u obavezi da izvrši rekultivaciju zemljišta, tj. dovede istražne prostore u prvobitno stanje.
5. Nakon izrade dokumentacije o rezultatima provedenih detaljnih geoloških istražnih radova i ispitivanja mineralne sirovine krečnjaka na lokalitetima Drenovac i Kamen, Grad Srebrenik, a prije početka eksploatacije mineralnih sirovina na predmetnim lokalitetima, investor će zatražiti izdavanje prethodne vodne saglasnosti za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije ležišta mineralne sirovine.
6. Zahtjev za izdavanje prethodne vodne saglasnosti dostavlja se u skladu sa članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20).
7. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Jata Group“ d.o.o. Srebrenik podnio je zahtjev za izdavanje Rješenja o prethodnoj vodnoj saglasnosti za provođenje detaljnih geoloških istraživanja i ispitivanja na lokalitetima Drenovac i Kamen, Grad Srebrenik, a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine krečnjaka.

Uz zahtjev je dostavljena sljedeća dokumentacija:

- Uvjerenje o poreznoj registraciji od 04.05.2011. godine izdato od strane Porezne uprave Kantonalni porezni ured Tuzla – kopija,
- Uvjerenje o registraciji/upisu u Jedinostveni registar obveznika indirektnih poreza, broj:04/1-17-1-35-229-3/11 od 13.05.2011. godine izdato od strane Uprave za indirektno-neizravno oporezivanje Banja Luka - kopija,
- Rješenje o izmjenama podataka, broj:032-0-Reg-20-000550 od 12.06.2020. godine izdato od strane Općinskog suda u Tuzli - kopija,
- Izvod iz posjedovnog lista broj 1492, broj:03-26-1235/21-2 od 27.05.2021. godine izdat od strane Službe za geodetske i imovinsko-pravne poslove Grad Srebrenik - kopija,
- Izvod iz posjedovnog lista broj 678, broj:03-26-1235/21-5 od 27.05.2021. godine izdat od strane Službe za geodetske i imovinsko-pravne poslove Grad Srebrenik - kopija,
- Kopija katastarskog plana, UR Broj: 03-26-1235/2021-8 od 27.05.2021. godine izdata od strane Službe za geodetske i imovinsko-pravne poslove Grad Srebrenik - kopija,
- Rješenje o vodnoj dozvoli, broj:UP-I/25-3-40-139-6/19 od 02.07.2019. godine izdato od strane Agencije za vodno područje rijeke Save, Sarajevo – kopija,
- Odluka o davanju saglasnosti za obavljanje istražnih djelatnosti, broj: 01-253/2021 od 21.05.2021. godine izdata od strane Stručne službe Gradskog vijeća – kopija,
- Izvod iz Prostornog plana Općine Srebrenik za period 2015-2035 godine, broj:08-19-383/21 od 23.11.2021. godine izdat od strane Službe za prostorno uređenje i zaštitu okolice Grada Srebrenik – kopija,

- Primjedbe na planiranu aktivnost u postupku izdavanja prethodne vodne saglasnosti pravnom licu „Jata Group“ d.o.o. Srebrenik, broj:04/1-22-007284/22 od 24.03.2022. godine dostavljene od strane Ministarstva poljoprivrede, šumarstva i vodoprivrede Tuzlanskog kantona,
- Karta sa položajem istražnih radova i zahtjevanih istražnih prostora II i III faze za potrebe proširenja eksploatacionog prostora kamenoloma Orlova klisura, M 1:2500,
- Studija za izdavanje prethodne vodne saglasnosti detaljnih geoloških istražnih radova i ispitivanje kamena krečnjaka za proširenje eksploatacionog polja kamenoloma na lokalitetu Orlova Klisura-Tinja-Potpeć, urađena od strane TQM d.o.o. Lukavac, broj:1581/22 (10-46/22), april 2022. godine,
- Dokaz o uplaćenju federalnoj upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl.novine FBiH“ broj:31/15, 55/19, 41/20), bio oglašen dana 18.03.2022. godine, na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- Lokalitet postojećeg eksploatacionog polja kamena krečnjaka - Orlova klisura se nalazi sa desne strane magistralne ceste Tuzla-Srebrenik (M1.8), u naselju Podpeć. Planirano proširenje se nalazi u blizini postojećeg kamenoloma sa lijeve strane magistralne ceste Tuzla-Srebrenik (M1.8). Sama lokacija postojećeg i planiranog eksploatacionog polja krečnjaka je nedaleko od sjedišta firme investitora „JATA GROUP“ d.o.o. Srebrenik.
- Proširenje tj. realizacija na terenu istražnih radova i ispitivanja se planira na parcelama označenim kao k.č. broj: 1310, 1348, 1349, 1351, 1352, 1353, 1355 i 1900, K.O. Podpeć, Grad Srebrenik, na ukupnoj površini od cca 26 ha.
- Na osnovu Zakona o šumama F BiH („Službene novine F BiH“, broj 20/02, 29/0, 37/04), koji je presudom Ustavnog suda stavljen van snage, državne šume su u vlasništvu Federacije BiH. Prema Zakonu o šumama TK („Službene novine TK“, broj 7/17, 8/20, 3/21), državnim šumama na području Tuzlanskog kantona upravlja Vlada TK putem Ministarstva poljoprivrede, vodoprivrede i šumarstva, dok vlasništvo nad šumama nije propisano. Tačkom 4.4. dispozitiva riješena je propisano da se prije početka izvođenja istražnih radova pribavi saglasnost organa u čijoj je nadležnosti upravljanje predmetnim zemljišnim česticama.
- Planirana detaljna doistraživanja krečnjaka na lokaciji Orlova klisura vršit će se kombinacijom geoloških i rudarskih istražnih radova, geodetskih mjerenja, laboratorijskih, tehničko-tehnoloških ispitivanja mineralne sirovine.
- Od strane Službe za poduzetništvo, lokalni razvoj i investicije Grada Srebrenika, Investitor je ishodovao Uvjerenje da u okviru navedenih parcela proširenja eksploatacionog polja Orlova klisura nema evidentiranih izvorišta i drugih objekata vodosnabdijevanja. Međutim, izvan obuhvatnog područja, najbliži izvor vodosnabdijevanja je izvorište „Hajdukovac“, sa izdašnošću od 0,4 l/s, a za isti nisu utvrđene zone sanitarne zaštite.
- Najbliža udaljenost granica eksploatacionog polja proširenja kamenoloma „Orlova klisura“ je cca 30 m od vodotoka rijeke Tinje. Na osnovu topografije terena, razlike u visinama, smjera slivnog područja, planirano eksploataciono polje i lokalitet istražnih radova (na osnovu navedenih granica prelomnih tačaka) neće dolaziti pod uticaj dopiranja velikih voda 1/100 navedenog recipijenta - rijeke Tinje.

Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem u skladu sa Zakonom o geološkim istraživanjima Federacije BiH (Sl. novine FBiH br. 09/10, 14/10), Pravilnikom o sadržini projekata i elaborata geoloških istraživanja (Sl.list R BiH br. 16/93), Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima („Sl. novine FBiH br. 85/17).

Istraživanja imaju karakter detaljnih geoloških istraživanja u smislu Zakona o geološkim istraživanjima („Službene novine F BiH“ broj:9/10 i 14/10).

Programirane radove treba da radi istraživačka organizacija koja ima pribavljeno odobrenje od nadležnog Federalnog ministarstva energije, rudarstva i industrije. Nadzor nad izvođenjem radova može vršiti lice koje zadovoljava uslove propisane Zakonom o geološkim istraživanjima.

Na osnovu prednjeg i provedenog postupka, a shodno članu 111. Zakona o vodama, članovima 5. i 17. stav 1. tačka 16 Pravilnika o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH», broj 31/15, 55/19, 41/20), a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 3. i 4. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izvođenja istražnih radova mineralne sirovine krečnjaka na lokalitetima Drenovac i Kamen, Grad Srebrenik.

Podnosilac zahtjeva je izvršio uplatu posebnih troškova koji su nastali u postupku donošenja rješenje o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-I/25-1-40-136-10/22 od 05.04.2022. godine.

Podnosilac zahtjeva je uplatio upravnu taksu u iznosu od 80,0 KM plus 3,0 KM adm. takse u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.



Dostaviti:

- JATA GROUP d.o.o.

Potpeć bb 75350 Srebrenik,

AVP Sava, ISV-vodna knjiga,

- Sektor 40 – arhiva,

- Oglasna ploča - AVP Sava